



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 3. Eadem hæc Constitutio a Papa in Gallias transmissa.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII.

A. C. 1713.

§. III.

Eadem hæc Constitutio a Papa in Gallias transmissa.

Quamprimum Cornelius Bentivolius *Acta publ.*
 Apostolicus in Gallica Aula Nun- *l. c. p. 33.*
 tius hanc Constitutionem receperat, *Epist. Clem.*
 mox illam Ludovico Regi tradidit, una- *XI. p. 1891.*
 cum literis, quibus Pontifex eundem
 Regem, ut eam in Universo Regno
 acceptari curaret, impense rogabat,
 hæc ad eum die decima Septembris
 perscribens: „Apostolicam Constitu-
 „tionem super famoso observationum
 „in novum Testamentum gallico libro,
 „quam pastoralis muneris nostri exi-
 „gente debito, ac majestate tua pro
 „ingenito Religionis Zelo, ardentius
 „postulante nuper edidimus; nostro
 „tibi nomine exhibebit Venerabilis Fra-
 „ter Cornelius Archiepiscopus Cartha-
 „ginensis Nuncius apud te noster, qui
 „& Majestati tuæ uberius explicabit,
 „nulli nos studio, aut labori pepercisse,
 „ut a Catholica Ecclesia, tuoque præ-
 „sertim florentissimo Regno, perversæ
 „Doctrinæ luem, quæ hætenus eo no-
 „centior extitit, quo occultior, avertē-
 „remus. Magna profecto nos admira-
 „tio subiit, & admirationi non impar
 „dolor, quod tot, tantique uno, nec

li 3

„ad-

Sæc. XVIII. „admodum grandi libro errores cum-
 A. C. 1713. „lari potuerint, ac fallaci penitus arte
 „noa ad Ecclesiæ solum, sed ad ipsius
 „Reipublicæ perniciem accommodari
 „inspirato scilicet sensim Christianis po-
 „pulis sub speciosa virtutis larva pote-
 „statis tam Ecclesiasticæ, quam sæcu-
 „laris odio æque, ac contemptu. Porro
 „in Deo firmam habemus fiduciam, et
 „iusdem nostræ constitutionis beneficia
 „omnia in viam veritatis, ac unitatis
 „tranquillitatem restituenda esse, id
 „que ut facilius, atque feliciter ad-
 „quamur, efficacis ab eximia Majestatis
 „tuæ pietate, quod & alias experi-
 „mus, & in hac potissimum causa
 „Nobis omnino sperari iussisti, auxilium
 „præsidiumque vehementer exposcimus
 „quo repulsis tandem aliquando quæ-
 „busvis inobedientium, ac inquieto-
 „rum hominum veritati non acquies-
 „centium conatibus, in universa
 „tione tua præsens Apostolicæ Sedis
 „iudicium debita ab omnibus reveren-
 „tia excipiatur, religioseque, ac firmi-
 „ter observetur. Ita nimirum, charis-
 „sime Fili Noster, sicut Gallicani olim
 „Antistites piissimo prædecessori tuo
 „præclare scripserunt, per regnum ter-
 „renum cæleste regnum, id est, Ca-
 „tholica Ecclesia proficit, ut cui in-
 „tra eam positi contra fidem, & disci-
 „plinam

„plinam Ecclesiæ agunt, rigore Principum conterantur, ipsamque disciplinam, quam Ecclesia exercere non prævalet, cervicibus superbiorum potestas principalis imponat. Sperantes itaque, quod non sit labor noster futurus inanis, tibi quoque, qui extirpandis ejusmodi damnatis erroribus hæctenus tanta cum laude adlaborasti, paterno corde merito gratulamur, ac præstantiora quæque in dies de tuo in nos & hanc sanctam Sedem studio præsumentes in constantissima regalis animi tui religione plane conquiescimus. Quæ omnia fusius ex dilecto Filio nostro Josepho S. R. E. Cardinali de La Tremoille, cum quo hac de re pluribus egimus, accipiet Majestas tua, cui interim Apostolicam benedictionem amantissime impertimur.,

Sæc. XVIII.
A. C. 1713.

§. IV.

Hujus Constitutionis recognitio in Gallis facta.

Priusquam Pontifex hanc Constitutionem in Gallias mitteret, illius exordium & epilogum, uti promiserat, Tremollio Cardinali exhibuit, qui tamen nonnulla verba, quæ Gallis offensionem esse possent, suppressi rogavit, quibus etiam mox præsentem eodem

*Lafiteau
Hist. de la
Const. t. I.
pag. 144.
Dorfan.
Journal.*